



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De inferioribus Fori Episcopalis ministris, carceris custodibus, & reis.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

nia, quā præfinita taxæ ratio postulat, eiusque tabella ostendit, ab vilo vniquā exegerit, id totum eidem restitui iubeat. Et verò qui in eo genere deliquerint pœnis etiam illos affici ab Episcopo, Vicariò procurer. Ad Episcopum præterea illorum nomina deferat, quos in illis excquendis, quæ sibi præscripta sunt, muneri suo deesse aliquo modo animaduertit.

De inferioribus fori Episcopalis Ministris, carceris Custodibus, & Reis.

S V M M A R I V M.

- 1 Carceris custodibus taxa præscribenda.
- 2 Carceri inclusi res, vbi seruanda, & quibus restituenda.
- 3 Carcerati singula hebdomada visitandi: & quid propterea curandum.
- 4 Deputandi qui miserabilium personarum patrocinium suscipiant.
- 5 Inferiores fori Episcopalis ministri quales sint; & à quibus abstineant.

1. De Carceris Custodibus, & Re. s.



Rescribant Episcopi taxam executoribus, vel ministris, & carceris custodibus, vt ab ijs, qui capti, & in carcerem inclusi sunt, pro comprehensione, & carceris commoratione, & victu id tantummodò exigatur, quod equitas, & ciborum precium postulet. Si qui carcere tenentur, sibi quæ ad victum pertinent, ab alijs, quàm à custodibus, & ministris carceris, suppeditari voluerint, id eis facere liceat: neque propterea asperius tractentur; aut in deteriora loca compellantur.

2 Mandent præterea, vt quacumque pecuniam, vestes, arma atque res secum habeant ijs, qui in carcere includuntur, tuto loco collocentur, & asseruentur, qui locus duabus claudatur clauibus, quarum altera apud ianitorem carceris sit, altera apud pauperum procuratorem.

Ex illis autem rebus, quæcumque & quotcumque sint, nihil vel ianitori, vel executori, vel ceteris ministris attingere liceat: sed eis, si inde exierint, vel eorum heredibus, vel illis, quibus à Iudice attributæ fuerunt, integre, & intacte asseruentur. Qui contra fecerit, duplo mulctetur, quæ multa ei, cui damnum datum sit, attribuatur.

Curent

3 Curent etiam per certos homines, ab eis deligendos, semel in hebdomada visitandos eos, qui in carcere tenentur; qui si illos indignius, & accerbius tractare cōpererint; referant ad Episcopum, qui pro sua prudentia, ac pietate, nè quid iniquius fiat, omninò prouideat.

4 Designent verò Episcopi aliquos, qui miserabilium personarum causas gratis defendant.

5 Inferiores quoque ministri in Christiane vite officijs contineantur: curentque Episcopi, vt à ganeis, & meretricibus, à ludo cuiusuis generis, ab improbatis questibus abstineant; nè blasphemii sint, nec vite moribus reprehendendis. Si quos deliquisse, compertum erit, in eos animaduertatur.

De Carceris Protectore.

S V M M A R I V M.

- 1 Carceris Protector, Ecclesiasticus, & quis: & quanto tempore perseueret.
- 2 Eius officium quale.
- 3 Cum carceris custodibus quid agat.
- 4 Carceratos monitione, correctioneque egentes, moneat, corripiatque.
- 5 Et quos Episcopo deferat.



It etiam fori Episcopalis carceris protector vnus è Canonicis Ecclesie Cathedralis, vel alius Ecclesiastici ordinis vir: quem secundo quoque anno, aut breuiori temporis spacio, prout maluerit Episcopus ei cure, protectioneque preficiat: rursusque ab illo munere liberè amoueat, etiam ante prefinitum tempus pro arbitrato suo.

§. de Ep̄o ep̄i scop. Iur. & foro.

2 Eius officium erit, exquirere diligenter, ac simul curare, vt Aduocatus, Procuratorque pauperum, satellites, & custodes carceris muneri suo nè in aliqua re desint, neque quicquam committant, quod ijs, qui in custodia sunt, fraudi, damnouè esse possit.

Inuestiget prætereà sollicito, diligentique studio, que illorum cura adhibeatur, cum in primis ad anime salutem, tum etiam ad corporis sustentationem: & que verò de toto eo genere in Concilio Prouinciali primo, & tertio cauta sunt, an præstentur quàm rectissimè: & quid denique officij erga ipsos singuli ij præstent, quibus commissum est.